

Պատմական անցյալում, նախամոնղոլյան ժամանակաշրջանում այդ գաղափարներից Բուն Զանգեզուրը համընկնում էր Հաբանդ գավառի հետ, որին արևմուտքից սահմանակից էր Մղուկը, այժմյան Սիսիանը, իսկ հարավից՝ Բաղբը, այժմյան Կապանը: Բաղբի արևելյան կողմը կոչվում էր Բարկուշատ-Քաշունիք<sup>1</sup>: Հնում Կապան (Ղափան) անունը տրվում էր հատկապես Ողջի (Օխշի) գետի և նրա վտակ Գեղվա գետի բարդ հովտին: Գեղվա գետի ձորաշատ ավազանն է, որը կրել է մասնավոր Չորք անունը<sup>2</sup>:

Զանգեզուր անունը համեմատաբար նոր ծագում ունի: Անշուշտ դա հայկական անվան աղբբեջանական ձևն է, որի երկրորդ բաղադրիչ վանկը համապատասխանում է հայերենի ձոր բառին և կրկնվում է օրինակ Աստագուր՝ այժմ Վանիձոր, Այնագուր՝ այժմ Աղավնաձոր և այլ անունների մեջ: Ո՞ր հայերեն բառի ձևափոխումն է առաջին զանգ արմատը: Իհարկե մի ժողովրդական ստուգաբանություն է, գիտական ոչ մի արժեք չներկայացնող այդ արմատի նույնացումը զանգ բառի հետ և այդ բառի բացատրության հետ շաղկապված են զանազան ժողովրդական և մեծ մասամբ անձնական ստեղծագործական երևակայության վրա կառուցված ավանդություններ, որոնց մեջ զանգերը խաղում են մեծ դեր<sup>3</sup>: Ավելի հիմնավորված է այդ անվան զուգադրությունը ոմանց կողմից՝ Մակեձոր, մյուսների կողմից՝ Զագեձոր անունների հետ: Առաջին դեպքում<sup>4</sup> անունը շաղկապում են այն բանի հետ, որ Բուն Զանգեզուր գավառակի բնակչության մի մասն ապրում է ծակէրի, այսինքն քարայրերի մեջ: Գործիսից ոչ հեռու ձորակներից մեկը կոչվում է Մակեձոր—Գորիս գետի օժանդակ Շոռ-ջուր վտակի հովիտը, հատկապես նրա այն մասը, որտեղ երկու կողմերից պատող բարձր ժայռերի մեջ փորված են բազմաթիվ քարայրեր, քրատակներ:

«Այս ծակերը զանազան մեծության են և նրանցից մի քանիսը միմյանց հետ միացած են նեղ անցքերով: Մակերից շատերը շատ բարձր են գտնվում: Քարայրներից նշանավոր է Կարմիր եկեղեցի կոչվածը, ուր մինչև այժմ էլ (1899 թ.) Կարմիր կիրակի օրը բազմաթիվ ուխտավորներ են գնում»<sup>5</sup>:

Հավանական է, որ սա անվան նոր մեկնաբանություն է, քանի որ Ստեփաննոս Օրբելյան պատմագրին այս անունը հայտնի չէր: Նա միշտ գործ է ածում Զագեձոր ձևը, որի ծագումը կապում է ավանդական Սիսակ նահապետից ծագող Զագի հետ, որն իբր թե Համանդ (Հաբանդ) գավառում կառուցել է Հանբադա (Հաբանդա) բերդը «ի վերայ գետոյ միոյ» և անվանել է ձորն իր անունով Զագեձոր, բերդն էլ Զագեձորի բերդ: Այս ձորի գլխին՝ «ի գլուխ Զագե ձորոյ» մի առ ժամանակ նստել է թաթարների՝ նետողաց ազգի զորագլուխ Բաշուն: Բացի ձորից ու բերդից Զագ անունը դրված է եղել նաև գյուղի վրա՝ Զագեձոր գյուղ, որից Տաթևի վանքը ստանալիս է եղել 12 շափ տուրք: Պարզ է, որ գյուղը համեմատաբար մեծ է եղել: Զագեձորի անունով կոչվելիս է եղել նաև այն լեռը, որի վարարակ աղբյուրից Տաթևի Հակոբ վանահայրը ջուր է հանել վանքի դիմաց Որոտնա գետի ձախ ափին գտնվող Յաֆուա վայրի

<sup>1</sup> Օրբելեան Ստ., անդ, էջ 75, 80, 86, 331 և հաջ.:

<sup>2</sup> Այիշան Ղ., Սիսական, էջ 561: Օրբելեան Ստ., անդ, էջ 12, 521:

<sup>3</sup> Տե՛ս Հայրապետյան Եղիա, Զանգեզուր, Գորիս, «Գարուն» տպարան, 1910,

<sup>4</sup> Ширакуни Н. СМОМПК, вып. XXXIV. Отд. I, էջ 182:

<sup>5</sup> Լալայեան Ե., Զանգեզուր, էջ 28—29: